



Broj: 15-03-16-5-19-39/25  
Datum: 19.3.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

## O D L U K U o izboru najpovoljnijeg ponuđača

### Član 1.

Najpovoljniji ponuđač u postupku javne nabavke usluga **demontaže, transporta i instalacija sistema za rezervno napajanje i kompresorskih mašina za Centar za personalizaciju - LOT 1 - usluge demontaže, transporta i instalacije sistema za rezervno napajanje**, objavljen na *web* Portalu javnih nabavki Bosne i Hercegovine, Obavještenje o nabavci, broj 1110-7-2-11-3-49/25, dana 28.2.2025. godine, a koji je proveden postupkom konkurentskog zahtjeva za dostavljanje ponuda, je **Konzorcijum G&T Inženjering d.o.o. Banjaluka i Telegroup d.o.o. Banjaluka**.

### Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

### Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

## O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga demontaže, transporta i instalacija sistema za rezervno napajanje i kompresorskih mašina za Centar za personalizaciju je konstatovala da do roka za prijem ponuda, dana 13.3.2025. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), za - LOT 1 - usluge demontaže, transporta i instalacije sistema za rezervno napajanje su pristigle dvije (2) ponude i to ponuda Konzorcijuma G&T Inženjering d.o.o. Banjaluka i Telegroup d.o.o. Banjaluka i ponuda Energoinvest SUE d.d. Sarajevo. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda izradila Zapisnik o pregledu i ocjeni ponuda, broj 15-03-16-5-19-35/24 od 18.3.2025. godine, u kojem su detaljno obrazloženi razlozi za izbor najpovoljnijeg ponuđača.



U skladu sa navedenim zapisnički je utvrđeno da dostavljene ponude Konzorcijuma G&T Inženjering d.o.o. Banjaluka i Telegroup d.o.o. Banjaluka te Energoinvest SUE d.d. Sarajevo ispunjavaju zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su ponuda kvalifikovane i prihvatljive u pogledu dokaza koje dostavlja ponuđač, a dokumenti su dostavljeni na način kako je definisano Tenderskom dokumentacijom.

Analizom i ocjenom ponuda, u postupku sa kriterijumom najniža cijena, nakon provedene e-aukcije, Komisija je konstatovala da je ponuda **Konzorcijuma G&T Inženjering d.o.o. Banjaluka i Telegroup d.o.o. Banjaluka** sa ukupnom cijenom **bez PDV-a od 16.524,00 KM, što iznosi 19.333,08 KM sa PDV-om**, najpovoljnija ponuda u postupku javne nabave usluga demontaže, transporta i instalacije sistema za rezervno napajanje. Navedena ponuda u ekonomskom i tehničkom smislu zadovoljava zahtjeve ugovornog organa iz tehničke specifikacije i tenderske dokumentacije.

Na osnovu prijedloga Komisije odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od pet (5) dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X   
\_\_\_\_\_  
DIREKTOR  
Prof. dr. Almir Badnjević

Signed by: Almir Badnjević  
Дигитално потписано / digitalno potpisano / digitally signed